

Protection Scriptures

Ermiyaas 1:18 Kunoo, ani har'a akka mandara kellaan dhagaa qabuu, akka utubaa sibiilaa, akka keenyan sibiila boorrajji irraa hojjetamees akka taatu si godheera; ati biyya sana hundumaan, mootummoota Yihudaa fi gurguddoota isaanii, luboota isaanii fi saba biyya sanaa hundumaan in mormita.

Hisqi'el 3:18 Yommuu ani nama jal'aadhaan, "Ati dhugumaan in duuta" jedhuun, ati immoo yoo isa of eeggachiisuu dhabaatte, karaa isaa isa jal'aa irraas deebi'ee akka fayyuuf yoo itti himuu dhabaatte, namni jal'aan sun yakka isaatiin in du'a; ani immoo dhiiga isaa harka kee keessa nan barbaada;

Ermiyaas 6:27 Waaqayyo, `Akka nama sibiila qoruutti ati saba koo qortee akka ilaaltuuf, jirenya isaaniis qortee akka hubattu si godheera.

Leviticus 26:19 Humna keessan isa isin ittiin kortan nan cabsa; bantii waaqaa keessan akka sibiilaa, lafa keessanis akka sibiila boorrajji nan godha.

Deuteronomy 23:5 Haa ta'u iyyuu malee, Waaqayyo gooftaan kee sababii si jaallateef Bala'aamiif hin dhageeny; Waaqayyo gooftaan kee abaarsicha eebbatti siif geddare.

Roomaatti 12:21 Waan gaariidhaan isa hamaa mo'i malee, hamaan si hin mo'in!

Psalms 143:8 Ani waanan si amanadheef, ganama bariidhaan gaarummaan kee akka anatti dhaga'amu godhi! Lubbuun koo ol gara kee waan yaadduufis, karaa irra adeemuun anaaf ta'u ana beeksisi!

Psalms 143:10 Ati Waaqayyo koo ti, egaa fedha kee gochuu na barsiisi! Hafuurri kee inni gaariin, lafa wal qixxee irra ana haa geggeessu!

Psalms 94:12 Yaa Waaqayyo, namni ati gorsitee deebiftu, inni ati seera kee barsiiftus gammachuu qaba!

Fakkeenyonni 27:12 Namni hubataan wanta hamaa argee jalaa in dhokata, wallaalaan garuu itti in adeema, in adabamas.

Filiphisiyuusitti 2:16 Guyyaa Kristos firdiidhaaf dhufutti akkasumaan waanan hin fiiginiif, akkasumaan waanan hin dadhabiniif, akkan ittiin of jajutti, dubbii jirenyaa jabeessaa qabadhaa!

Isaayaas 49:4 ani illee, `Akkasumaanan itti dadhabe, humna koos wanta waa'ee hin baafnetti nan baase' jedheen ture; dhugaa koo garuu Waaqayyo kootu anaaf baasa, gatii koos isatu anaaf kenna.

Psalms 76:3 Inni achitti xiyya phal phal jechaa adeemu, gaachana, billaa, mi'a lolaas in cabse.

Ibrootaatti 13:21 Innumti wanta isa gammachiisu karaa Yesus Kristos nu keessatti hojjechuudhaan, jaalala isaa akka gootaniif, waan gaarii hundumaan isin haa qopheessu! Kristosiif baruma baraan ulfinni haa ta'u! Ameen.

1 Qorontoosiitti 16:15 Ammas obboloota ko, maatiin Isxifaanaas, Akaayyaa keessaa amantoota warra jalqabaa akka ta'an in beektu; isaan warra Waaqayyoof qulqullaa'aniif hojjechuudhaaf of kennanii turan.

Filiphisiyuusitti 1:27 Amma garuu akka warri wangeela Kristos fudhatan jiraachuun ta'utti jiraadhaa malee, kan biraa isin hin dhibin! Hafuura tokkoon iddo keessanii utuu hin socho'in dhaabattanii, yaada tokkoon amantii karaa wangeelaa argameef akka wal dorgomtan nan barbaada; ani yoon dhufe akkasitti isin arguu, yoon dhufuu dhabaadhes akkasitti jiraachuu keessan dhaga'uu nan fedha.

1 Qorontoosiitti 15:58 Jaallatamoo obboloota ko, egaa utuu hin socho'in jabaadhaatii dhaabadhaa! Itti dadhabuun keessan gooftaa biratti akkasumaan akka hin ta'in beektanii, yeroo hundumaa hojji gooftaa caalchisaa hojjedhaa!

Qoloosaayisiitti 4:12 Ephafraas hojjetaan Kristos Yesus inni isin keessaa tokko ta'e nagaa isiniif in erga; isin namoota ga'an taatanii wanta Waaqayyo jaallatu jaallachuudhaanis guutamtanii jabaattanii akka dhaabattaniif, inni kadhata isaatiin yeroo hundumaa isiniif in dhama'a.

2 Kings 19:34 Waa'ee mandarattiif immoo, "Ani ofii kootiif, garbicha koo Daawitiifis jedhee, mandara kana nan eega, nan oolchas" jedheera' jedhe.

Ermiyaas 15:20,21 Ani saba kanaaf akka keenyan sibiila boorrajji irraa hojjetamee akka taatu sin godha; isaan si irratti ka'anii yoo si lolan iyyuu, ani si gargaaruudhaaf, si oolchuudhaafis sii wajjin waanan jiruuf, si mo'uu hin danda'an. 21 Ani harka warra hamootaa keessaa sin baasa, qabaa warra gara-jabeeyyi keessaas sin fura' jedhe; Waaqayyo kana dubbateera.

Psalms 55:18 Warri ana irratti ka'an waan baay'ataniif, lola anatti ka'e keessaa lubbuu koo nagaatti galchi!

Hisqi'el 30:24 Ani irree mootii Baabilon nan jabeessa, billaa koos harka isaa keessa nan kaa'a, irree mootii Gibxii immoo nan cabsa, innis mootii Baabilon duratti akka nama madaa'ee du'uuf jedhuu in aada.

Muldhata Yohaannisi 3:18 Ani immoo akka sooromtuuf warqee qulqulluu ibiddaan ilaalam, qullaa taatee yeella'uun kee akka hin mul'annetti, uffata adii, arguu akka dandeessuttis qoricha ijatti naqattu ana irraa akka bitattu sin gorsa.

1 Yohaannisi 3:17 Namni biyya lafaa kana irratti waan ittiin jiraatu qabu,

dhaba obboleessa isaatii argee yoo garaa itti jabaate, jaalalli Waaqayyoo attamitti isa keessa jiraata ree?

Isaayaas 50:4 Ani warra dadhabanitti dubbadhee akkan isaan jajjabeessuuf, Waaqayyo gooftaan dubbii barbaachisu dubbachuu na barsiise; ganama ganama na dammaqsa, akka warra isa irraa baraniis isa inni jedhu akkan dhaggeeffadhuuf gurra koo anaaf in bana;

Psalms 18:39 Ati lola sanaaf mudhii koo humnaan hidhachiifteetta, warri ana irratti ka'anis na jalatti akka gombifaman in goote.

2 Saamu'elitti 22:40 Ati lola sanaaf mudhii koo humnaan hidhachiifteetta, warri ana irratti ka'anis na jalatti akka gombifaman gooteetta.

Psalms 89:43 Arfii billaa isaa in garagalchite, adda lolaa akka inni hin dhaabannes in goote;

Hisqi'el 13:6 Mul'anni isaan argan waa'ee hin baasu, hoodni isaan dubbatanis soba; isaan, utuma ani Waaqayyo isaan hin ergin, "Waaqayyo akkas jedhee dubbateera" jedhanii dubbii isaanii akkan fiixaan isaaniif baasuuf ana in eeggatu.

Leviticus 26:37 Namni isaan ari'u utuu isaan duukaa hin jiraatin akka waan billaa jalaa baqatanitti walii isaanii in gufatu; isinis diinota keessan dura dhaabachuudhaaf humna hin argattan.

1 Qorontoosiitti 14:8 Sagaleen fiingee gargar ba'ee yoo dhaga'amuu dhabaates, eenyutu lolaaf qophaa'a ree?

Iyoob 15:24 rakkinnii fi muddamni akka mootii lolaaf qophaa'eetti isa irra in ba'u, isa in naasisus;

1 Chronicles 12:8 Gosa Gaadi keessaas loltoonni jagnoonni jajjaboонни, lolaaf qophaa'an, gaachanaa fi eeboo qabannaatti kan beekan, iji isaanii akka ija leencaa kan nama sodaachisu, columni isaanii akka kuruphee tulluu irraa kan ta'e cabsatanii masaraa isaa isa lafa onaa keessaatti Daawit bira in dhufan.

1 Chronicles 12:33 Sanyii Zebuloon keessaas, loltoonni mi'a lolaa hundumaatti baranii lolaaf qophaa'an, warri garaa tokkichaan isa gargaaruudhaaf dhufan, namoota kuma shantama.

1 Chronicles 12:38 Loltoonni lolaaf qophaa'an kun hundinuu garaa guutuudhaan Daawitin guutummaa Israa'el irratti moosisuudhaaf gara Kebroon in dhufan; namoonni Israa'el warri hafanis Daawitin mootii godhachuudhaaf garaan isaanii tokko ture.

Luqaas 10:19 Ani, kunoo, mar'ataa irra, torbaanqabaa irra, aangoo diinaa hundumaa irras ejjechuu akka dandeessaniif, gooftummaa isiniif kenneera; homtinuus isin hin miidhu.

2 Qorontoosiitti 7:10 Akka Waaqayyo biratti fudhatamutti gadduun, yaada garaa geddarachuu fida; inni immoo gara fayyinaatti geessa malee,

nama hin gaabbisiisu; akka biyya lafaa keessatti fudhatamutti gadduun garuu du'a fida.

- 2 Ximootewoosiitti 2:25,26** Inni warra ittiin morman hafuura gara-laafinaatiin gorsee gara gaariitti deebisuun in ta'aaf; isaan dhugaa beekuu bira ga'uudhaaf yaada garaa isaanii akka geddarataniiif Waaqayyo karaa in kennaaf ta'a. 26 Yoos isaan qalbii godhatanii, Seexana isa jaalala isaa akka godhaniif kiyyoo isaatti isaan galche harkaa in ba'u.

Nahimiyaan 4:15 Diinonni keenya wanta ofii isaaniitiin nutti koratan akka nuyi barre in dhaga'an; Waaqayyos yaada isaan qopheessan hojii irra akka hin oolchine in hubatan; yommus nuyi hundumti keenya dallicha deebifnee ijaaruuf gara hojii hojii keenyaatti in deebine.

Psalms 73:24 ati gorsa keetiin ana in geggeessita, kana booddees ulfinatti ana in fudhatta.

**Pastor T. John Franklin
Church of Salvation, Healing, and Deliverance
COS-HAD.org**